

Ayat suci iktiraf martabat wanita

Sejarah peradaban Rom meletakkan darjat wanita sebagai hamba yang perlu tunduk kepada apa saja kemahuan lelaki. Begitu juga tamadun Greek purba di Athens, status wanita dianggap sebagai barang yang dapat diuwal beli dan wanita sebagai kotoran hasil perbuatan syaitan.

Situasi itu juga berlaku pada zaman jahiliah Arab yang turut merendahkan taraf wanita. Islam hadir membawa risalah yang menghentikan segala perbuatan buruk kepada wanita. Islam meletakkan wanita di kedudukan yang mulia, bahkan setaraf lelaki.

Buku *Bahagiaanya Menjadi Gadis Pilihan* menyingkap kisah Asma' binti Umais yang kembali dari Habsyah bersama suaminya Ja'far bin Abi Talib dan menemui isteri Rasulullah lalu bertanya kepada mereka apakah ada ayat al-Quran diturunkan mengenai wanita.

Apabila mereka menjawab tidak ada, Asma' terus menemui Rasulullah SAW melahirkan rasa tidak puas hati wanita kerana kebaikan mereka tidak disebut dalam al-Quran. Maka turunlah ayat 35, surah al-Ahzab sebagai jaminan bagi menenangkan jiwa wanita.

Islam angkat martabat wanita

Islam mengangkat darjat dan martabat wanita serta meletakkan mereka setaraf lelaki dari sudut hak dan tanggungjawab. Wahyu Allah SWT itu menjelaskan lelaki dan perempuan beriman mendapat keampunan serta tempat di sisi Allah SWT

Bahagiaanya Menjadi Gadis Pilihan

- ⊙ **Penulis:** Dr Nik Salida Suhaila Nik Saleh, Mohd Hariri Mohamad Daud
- ⊙ **Penerbit:** PTS Millennia Sdn Bhd
- ⊙ **Pengulas:** Hasliza Hassan
- ⊙ **Harga:** RM18



tanpa diskriminasi.

Banyak lagi kisah mengenai wanita dalam al-Quran yang menjadikan mereka insan istimewa. Baginda SAW bersabda: "Dunia adalah perhiasan sementara sebaik-baik perhiasan adalah wanita solehah."

Sebenarnya banyak perkara perlu diketahui wanita supaya mereka bersyukur dilahirkan sebagai wanita. Semuanya boleh dicungkil daripada perkongsian ilmu diketengahkan dalam buku *Bahagiaanya Menjadi Gadis Pilihan* ini.

Setiap bab diakhiri dengan pandangan pakar yang memetik hasil Muzakarah Jawatankuasa kebangsaan yang bersidang mengenai isu dibangkitkan dalam perbincangan diperincikan penulis. Jika ingin memiliki harta bernilai milik wanita, dapatkan buku berharga ini di pasaran.